


kat.komp
 21998
 III Mag. St. Dr. P

Zatuski Martini Denuntiatio a Venerabili
 Capitulo Cath. Crau. Electoris Cajatani
 Sotyk nom. Episc. Crauv. 1759.
 Item Gratulatio eidem Episcopo per Fran-
 sum Caerog. C. P. C. a Ven. Capitulo de-
 legatum.

PANEG. et VITAE
 Polon. Fol.
 № 1312



DENUNTIATIO

A Venerabili Capitulo Cathedrali Cracoviensi, celebratæ ad nominationem & commendationem Regiam Electionis CELSISSIMI PPINCIPIS CAJETANI SOLTYK, ex EPISCOPO Kijoviensi Nominati EPISCOPI Cracoviensis DUCIS Severiæ: per Illustriß: & Rndissimum Dominum MARTINUM Comitem ZAŁUSKI, EPISCOPUM Dresdensem, Suffraganeum Plocensem, ejusdem Cathedralæ Cantorem, & à dicto Venerabili CAPITULO delegatum, 99.

Anno Dñi 1759. die 8. Februarii Varfaviæ facta.



Summus Tibi, CELSISSIME PRINCEPS, uti dignissimo Capiti suo, à Capitulo Tuo Cracoviensi jure merito debetur honor, quem cum debita erga Antistitem suum, tum & ea, quæ filios decet erga Patrem Patriæ à nobis exigit reverentia: ad quem & Divini Oraculi nos obstringit Authoritas, Eum scilicet honorandum esse, Quem Rex voluit honorari. Serenissimus quidem AUGUSTUS III. Dominus Noster Clementissimus, cum Te primum in Ecclesia Polona Episcopum, commendavit ac proposuit Supremo Ecclesiæ Moderatori Christique in terris Vicario, Tertium vero Te inter Primores Regni Senatorem jussit, Magnum suæ erga Te benevolentix præbuit documentum, longè tamen majus & amplissimæ Diæcesi Cracoviensi & Capitulo

(1)

tulo

21.998 III

tulo Nostro præstitit beneficium, quod in Te illi tam dignum delegerit Præsulem, quem indefessus pro Ecclesia Zelus Summo Pontifici, quem intaminata fides Principi, quem continua de bono publico sollicitudo Reipublicæ, quem eximia animi dotes & doctrina toti jam pridem commendaverant Regno, cujus ingenij, virtutis ac meritorum fama præcipuam jam Europæ pervagata est partem. Talem profecto decebat esse Pontificem Nostrom, ut cum Divo Paulo gloriari, nobis liceat, qualem in Te nobis contigisse, & magnopere gratulamur, & Te majorem in modum veneramus. Tam omnium jam, quam & Sacrorum apud nos fascium & honorum distributionem jure Majestatis Regibus competere nemo dubitat, nos tamen in Tua nominatione nedum Justitiam, sed Sapientiam Principis perlibenter agnoscimus; proinde æquissimæ voluntati Regiæ nostræ conformando suffragia, unanimes voto & concordibus vocibus eò libentius in Tuam subscripsimus electionem, quò vehementius Te Nostrom Pastorem exoptavimus, quem adhuc unum, è fratribus, jam omni amore ac veneratione. ob singularem probitatem, prosequi amabamus. Ita enim sapienter totius vitæ Tuæ Cursum instituiti, ut rectefacta Tua ad maximas in Republica Christiana res agendas, ad summa quævis Ecclesiæ & Patriæ, Te natum esse probarent. Susceperat id in Te adhuc adolescente æterna dignus memoria Antistes Ille, ac Cardinalis LIPSIUS, cognitaque indole Tua, ad quidquid maximum est, peridonea, jam tum præfago animo Te suum palam prædixerat fore Successorem. Impletum jam in parte hoc Vaticinij cujusdam genus, in reliquo completum & speramus, & auguramur & optamus, ut in Collegio Purpuratorum Patrum brevi eidem succedas. Vota hæc nostra & auguria gratò suscipe animò Amplissime Antistes noster, Capitulum Nostrom paterno amore, nos vero Delegatos veteri Tua digneris prosequi benevolentia. Munere Delegati Capitularis cum Tui ad Cathedram Nostrom postulatione jam perfuncto, liceat mihi adhuc pro Domò mea agere Oratorem

torem. Cecidit Corona Capitis Nostri in demortuo capite
piè defuncti Fratris mei, Tui vero in Episcopatu Prædecesso-
ris; Tibi Celsissime PRINCEPS derelicti sumus Orphani, sine
Patre Familiæ Successores, sine Pastore jam percusso dispersæ
oves; Tu nobis esto Adjutor, Tu Pastorem Gregis, Tu Patrem
Familiæ Nostræ agas, Tu nobis consule cunctis, moveat Te
innata Tua Magnanimitas ac Heroica ad compatiendum affli-
ctis propensio, ut Domum Nostram, antiquitus quidem pro
meritis de Regibus & Patria plurimis exornatam honoribus,
ac sub sceptro Gloriosæ memoriæ AUGUSTI Secundi floren-
tem, benigno nunc quoque sublevare patrocínio, potentique
præsidio & tutelæ Clementissimi AUGUSTI Tertij me meos-
que digneris instanter commendare.

GRATULATIO

*Eidem Celsissimo Principi Nominato EPI-
SCOPO Cracoviensi per Illustrem & Reve-
rendissimum Franciscum de Schwartzemberg
Comitem CZERNY Canonicum Cathedra-
lem Cracoviensem à Venerabili Capitulo
Cracoviensi Delegatum, cum Celsissimo
Nominato EPISCOPO ejus electio-
nis Instrumentum redderet, facta.*

Voluntatem Serenissimi ac Potentissimi Regis, Domini-
que Nostri Clementissimi testamur publicè non magis
in Te æquissimam, quam Nobis fuisse propitiam, qui
Te Celsissime Princeps Nostrum nominavit Antistitè, quem nos
enixè præstolabamur, qui Te sollicitè cõmendavit, quem nos ve-
hementer optabamus, qui denique Te sapientissimè elegit, quem
nos jam pridem ardentissimè amabamus. Quamvis igitur

mandata Regia nemo ad nos fortasse pertulisset, quamvis optimi desideria Principis nemo nobis aperuisset, nec ullus pro Te orasset Legatus, desiderijs tamen Nostris, Tu solus scopus & meta omnino fuisses. Persuasibilibus quippe humanæ sapientiæ verbis nequaquam indiget, quem eligentium mentibus DEUS ipse inspirat: commendatione opus non habet, cui virtus suffragatur, quem amor præficit. Proinde & Rex Noster AUGUSTUS eo ipso justus, evidenter ac pius, sanctiora ac jucundiora nobis imperia mandare non potuit, quam cum Te Præsulem, à se, Deo inspirante, delectum, nobis eligendum designavit. Obscundante ita Religiosissimo Rege Nostro, cæli nutibus, & publica simul & Nostra impleta est expectatio, aded ut cor Regis in manu Dei esse, inficiari vel hoc præclaro exemplo nemo possit. Hinc est quod nunquam libentius Cracoviense Capitulum nominationem Regiam suis cumulavit suffragijs, quam Te desideratissimum eligendo Episcopum. Nihil quoque & nos nobis majori unquam solatio, honori, & gloriæ duximus, quam ad hanc electionem Tibi solenni legatione deferendam perhonorificè deputari. Te itaque electum esse summopere gratulamur, quem vox publica Divinæ plerumque mentis & fati vel præsaga vel interpres & diu & pridem huic Cathedræ admovebat. Te majorem in modum lætamur electum esse, qui præstantissimis virtutibus Tuis vix dum juvenis jam judicio primi Principis Regni que hujus Primatis magni olim POTOCCIJ, Canonicus Gnesnensis factus, ibi ponebas Sacræ Tuæ fortunæ initia, ubi finire multis, satis amplum videtur. Te inquam gaudemus electum esse, quem in Urbe orbis Roma, vero illo literarum scientiarumque domicilio, adhuc studijs vacantem, me etiam teste, Purpurati Viri, Illi primi Christianæ Republicæ Cardines, Magnum Ecclesiæ Dei ornamentum fore, Divinitus prædicabant. Quem noster ille immortalis memoriæ Cardinalis LIPSIUS Cracoviensis Præsul singularius adamavit, suumque tam probo, docto, omnibusque præclaris dotibus commendatissimo Canonico, exornavit, illustravitque

Capi-

Capitulum, quem in innumeris maximisque semper & Ecclesie Polonæ & Reipublicæ negotijs egregiè continuoque exercuit, ac ad Summa formavit, quem denique etiam ultimæ voluntatis suæ interpretem & Executorem peramanter constituit, & jam tunc sua amplissima Cracoviensi Sede dignissimum nedum judicavit, sed & palam clareque prædixit. Nec vana fuere auguria. Eodem quippe tempore justissimo Regis Arbitrio post peractum summo cum plausu in Supremo Tribunali Regni Vicepræsidentis munus, Primus post Episcopos hoc in Regno Prælatus, Præpositus nempe Gnesnensis creatus, brevi ad Episcopatum Kijoviensem, Senatoriamque Regni Curulim pervenisti, ut merito dici possit, celeriore esse virtutis tuæ & meritorum cursum, quam ætatis, fructum autem omnem, majori debere esse in pretio, qui ocius alijs maturefcit. Episcopus jam Kijoviensis, factus gregis exemplar ex animo, quanta solitudine, labore, studio, Tuam perlustrando Diæcesim, Divino Cultui, Religionique promovendæ, mentibus hominum, Sapientia Christiana & virtute imbuendis, Clero ad doctrinam Sanctosque mores formando, templis & Sacris locis instaurandis, è fundamentis Tuo sumptu & cura ædificandis, bonis Ecclesiasticis cum vindicandis, tum in meliorem statum reducendis, totus omnino incubuisti; Ipsam quondam Antecessorum Tuorum Sedem, multis inaccessam Kijoviam visitasti, Orthodoxos in fide firmando, errantes ad fidem revocando, Teque verum Pastorem omnium exhibendo. Itaque nedum Tuis dilectis ovibus, verum etiam & ijs qui à Romanis Sacris, ritibusque discrepant, populis, amoris & venerationi fuisti, & Catholicæ rei Majestatem in illis Oris, venerabiliorem reddidisti. Tu itaque cujus tantus pro religione Zelus & ardor, tantus Patriæ amor, in Principem fides, in Senatu Autoritas, tantus in negotijs labor, in periculis fortitudo, in agendo industria, in conficiendo celeritas, in providendo consilium, spectata & probata Universæ Reipublicæ fuerunt; Veni jam, à Deo O. M. à Rege Piissimo, ab Amantissimo Tui Capitulo electus: & quod felix faustumque quantocyus, ut speramus, fit, à supremo Ecclesie capite Christique Vicario confirmandus

humanissime, atque ea omni qua par est ratione salutatos à me haberi volo. Per vos itaque, de unanimi omnium vestrum voto, quo supremæ Dei Optimi M. de me dispositioni, ac incomparabili Serenissimi Regis Domini mei Clementissimi benevolentix, vestra suffragia perlibenter conjunxistis, & meo Nomini deesse nolulistis, maxima cum animi voluptate edoceor. Atque hoc est primum, quo in me gratum memoremque animum, semper erga omnes & singulos excitari, grave Pastoris onus alleviari, curas circa gregem Domini mihi dulces effici, mutuumque Patris ad Filios, Filiorum ad Patrem amorem foveri, majorem in modum sentio. Alterum, quod æquè partium mearum esse putem, est, ut pro gratulatione novæ dignitatis, laudibusq; Amplissimis, quibus me cumulare non dubitastis, mea vobis vicissim offeram studia & officia, justasque referam gratias, & orem Divinam bonitatem, ut me pro sua gloria, honore & utilitate Ecclesiæ, emolumento Patriæ, & vestris usibus, una vobiscum ac integro Venerabili Capitulo fortunare velit.



Faint, illegible text, possibly bleed-through from the reverse side of the page.



Biblioteka Jagiellońska



stdr0023157

